



830049

赤



城集

臨海宋氏開彫

赤城集序

天台山至晉孫興公始傳晉以前不知幾千年矣何傳之晚也自晉以來歷宋齊梁陳隋唐天台人物見簡冊落落纔十數人本朝始漸盛南渡迄今始益盛而距晉亦且千年矣又何盛之晚哉得非發露之驟者盤鬱淺韜晦之久者培養深氣脈俟時數而轉旋文獻由風化而薰灼儻會至而機動自有不容掩遏者耶由今視之履行者勲業者風節者文學者或旁睨其藩或深入其奧往往而不乏矣而又官守者寓游者於此多瑰傑焉紀興建者寫光景者於此多膏馥焉今而後不更洋洋

赤城集

前序

一臨海宋氏
重梓

乎哉夫有所待而發者時也風化之所召也有所萃而存者書也亦風化之所關也初康吉林君詠道類天台集子逢吉續之而詩之屬天台者無遺矣篋陳公壽老修赤城志逢吉又續之而事之屬天台者無遺矣獨記序書傳銘誄贊頌之文天台集不暇載赤城志載不盡者逢吉復分門薈粹并詩爲一號赤城集凡若干卷而前後太守丁侯璫沈侯暨爲鈔之梓於是前所謂履行者勲業者風節者文學者官守者寓游者紀興建而寫光景者一啓卷咸彰彰焉蓋自有宇宙至晉不知幾千年自晉迄今亦且千年而天台人物之盛纔得萃於

此書君子推本之以爲是本朝風化之所名台之大夫
士讀是書而知其故必蔚慨然奮厲期無負君師以自
昭於不朽孰謂於風化無關乎逢吉字表民淳祐八年
八月旣望朝散大夫新除直敷文閣江南西路轉運判
官兼權隆興府吳子良序

赤城集

前序

二臨海宋氏
重梓

自秦晉劉興叔吳子良序

本朝天聖時增大夫權糾直敷文閣江南西路轉運判

官兼權隆興府吳子良序

讀

卷

卷查源世無負詩補以自

本

不牌風出之視台台之大夫

重刻赤城集序

赤城集一十八卷宋

海林表民之所輯也續篋窗之

志別纂藝文仿子長之編僅軼詩卷洵徵文之寶笈誌地之珠船矣夫以吾台位應星躔秀鍾靈越人材輩出虹跨海以玉垂勝境環開霞當城而標建舉凡名賢之所記序碩彥之所畱題彙爲一編登諸四部不可謂非盛事也惟是自尉而郡由漢及唐如智者道場之碑杜雄刺史之誌至今片石未隨磨滅於礎礧當日求珠竟失奇零於瓊羽抑亦先哲之遺憾乎又况元明遞降科第代興山川之光氣雲蒸蒸著作之名家林立摩崖刊碣寶劔自炯於豐城煤尾蛛頭沉鐘豈淪於德水倘能集五侯之鯖抉秘鉤幽成百衲之琴晨書暝寫固知方石續編之外百氏不乏等身當亦玉溪居士之靈九原所爲點首者也後有作者但思桑梓之葵予日望之亟付棗梨之手時嘉慶二十有三年歲在戊寅十有二月臨海宋世榮書於陝右扶風官舍

赤城集

序

一臨海宋氏
重梓

赤城集目錄

卷之四

台州新城記

台州重修城記

重修子城記

築城議

上丞相論台州城築事

台州雜記

臨海風俗記

卷之五

赤城集目錄

台州典修記

台州重修社稷壇記

台州郡治聽壁記

上宰執論台州財賦事

台州重建便聽記

台州通判聽題名記

重建台州通判聽記

台州添差通判聽壁記

卷六 台州推官重建聽事述

台州新造刻漏記

一 臨海宋氏
重梓

推官聽題名記

卷之三

重建錄事聽石記序

台州司理參軍題名記

卷之四

台州重建衙樓記

臨海縣聽壁記

臨海縣聽壁記

臨海縣重建縣治記

臨海縣重建宣詔亭記

永城集

目錄

臨海縣重建縣治記

臨海縣尉聽壁記

尉思隱軒記

黃巖縣聽壁記

黃巖縣重建聽事記

卷之四

黃巖知縣續題名記

黃巖縣尉題名記

卷之五

天台縣題名記

二 臨海宋氏
重梓

仙居縣令聽壁記

仙居縣題名記

卷
仙居縣重修尉聽記

仙居縣主簿聽記

寧海縣尹題名記

寧海縣丞聽壁記

寧海縣主簿聽壁記

寧海縣新建衙樓記

卷之五

丹邱州學記

赤城集

目錄

州學記

台州重修學記

台州重修學碑

台州重修至聖文宣王廟記

台州鄉飲酒記

台州州學藏監書記

州學更造釋奠祭器頌

卷之六

州學建武齋記

州學教授題名記

台州新給贖學田記

台州增學田記

增學田記

州學增高塗田記

州學登科題名記

登科續題名記

增造貢院記

臨海進士登科題名

卷之七

天台縣學記

赤城集 目錄

天台縣文宣王廟記

寧海縣文宣王廟記

仙居縣學重修記

台州補軍額記

台州奏行萬戶記

新建鹽倉記

台州支鹽聽壁記

杜濱鹽場重修聽記

臨海縣獄記

卷之八

四臨海朱氏
重梓

重修黃巖縣獄記

卷台州州學三老先生祠堂記

州學六賢祠堂記

思賢堂三讚

四先生祠堂記

陳忠肅公祠堂記

卷台州羈管謝表

黃巖縣學三賢祠記

趾蔡祠堂記

卷之九

赤城集

目錄

卷郭孝子祠堂記

臨海縣城隍廟記

重修仙居城隍廟記

三台祠記

宋郭孝子碑堂記

石藤石稜二夫人廟記

義靈廟碑

章溪先生祠堂記

卷之十

浙東提舉兼台州葉寺丞生祠記

五臨海宋氏
重梓

卷蒼山廟記

台州臨海縣靈康廟碑

後梁宣帝祠記

唐臨淮王李武穆廟碑

董將軍廟記

壽台樓記風塵亭記

卷之十

臨海縣泰安館記

神秀樓記

鎮安廟新建景福閣記

赤城集

目錄

台州城隍封告

清平閣記

分繡閣記

卷玉霄亭柱記

重建萬壑風烟亭記

清風亭記

飛躍亭記

岸嶺亭記

梁源蟠松亭記

卷之十一

六臨海朱氏
大重梓

霞起堂記

節愛堂記

思愛庵記

重建青青堂記

與清堂記

州學新詠堂記

靜治堂記

雙清堂記

卷 安洲驛記

陳氏本價莊記

赤城集

目錄

台州謝子暢義田續記

卷之十三

延慶院免科折記

州治浚河記

修東湖記

黃巖浚河記

新建中津橋碑

重建中津橋記

重修中津橋記

新建利涉橋記

天台臨川橋記

卷之十四

桐山石橋記

重修桐山橋記

南塘記

卷縣學新泉記

放生池碑

薛公井記

八景樓記

應心泉記

赤城集

目錄

康濟泉記

節孝巷記

朱氏旌表門閭

東巖堂記

卷之十五

雪巢記

香遠堂記

東巖書房記

卷康吉堂記

盡美亭記

八臨海宋氏
重梓

種德庵記

雲海觀記

藥園小畫記

松山林壑記

卷劉阮洞記

委羽洞記

卷之十六

有宋八行先生徐公事略

杜孝子傳墓誌銘

徐季節先生墓誌銘

赤城集

目錄

方山隱士杜君夢誌

草廬先生墓誌銘

大田先生墓銘

松竹邨居士林君墓碑

四朝布衣竹邨林君墓表

卷之十七

委羽居士集序

方巖王公文集序

雪巢小集序

雪巢集後序

九臨海宋氏
大重梓

石屏詩集前序

石屏集後序

題陳壽老論孟紀蒙

題陳壽老文集後

桑澤卿莫庵詩集序

曾使君新詞序

篔簹續集序

赤城志序

卷之十八

赤城續志序

赤城集

目錄

赤城三志序

養濟院創置修復本末序

送滕子勤赴衢州司錄序

滕侯守台頌并序

送葉孟我官寧國序

大成殿奉安先聖文

勸諭文

黃巖勸學文

仙居勸學文

台州壽台樓記

詔贈明詞贈卓契順

陳西靈

章校書

蘇文范

蘇長史

羅楚南

宋文公

呂東父

葉水心

赤城集

目錄

士臨海朱氏
重梓

蘇東坡詩集序

送某監我官置國序

大成嚴孝安先聖文

觀論文

黃幾鞠序文

仙於勸學文

赤城集目錄終

赤城集總目

陳忠肅公

瓊南劍人嘗編管台州二首

陳古靈

襄侯官人嘗爲仙居令四首

章校書

望之武寧人二首

蘇文忠

軾眉山一人一首

蘇長史

舜欽一首

羅提刑

適寧海人一首

朱文公

熹新安人一首

呂東萊

祖謙金華人一首

葉水心

適龍泉人七首

赤城集

總目

趙丞相

汝愚上饒人嘗知台州一首

楊誠齋

萬里廬陵人一首

陳龍川

亮永康人一首

吳康肅

芾仙居人一首

石南康

密臨海人二首

陳侍郎

公輔臨海人二首

樓叅政

鑰四明人嘗爲台州通判四首

王大田

象祖臨海人四首

張秘書

布臨海人二首

張王侍郎

居安黃巖人二首

一臨海朱氏
重梓

陳箕窗

者卿臨海人十首

吳荆溪

子良臨海人十五首

杜清獻

範黃巖人二首

陳叅政

騷臨海人一首

周學士

必大江西人一首

方刪修

行可寧海人二首

尤尚書

表毘陵人嘗知台州四首

唐朝請

仲友東陽人嘗知台州三首

洪丹陽

興祖一首

劉祭酒

燾一首

赤城集

總目

謝觀察

采伯一首 臨海人

洪通判

适鄞陽人二首

石中丞

公孺新昌人二首

姜教授

容二首

俞教授

建四首

黃龍圖

裳一首

包提刑

恢嘗知台州二首

蘇從事

夢齡一首

陳通判

觀二首

元郡守

絳錢塘人一首

張校書 奕一首

曾教授 會魯郡人一首

黃宣德 遠一首

方教授 暎一首

樓大理 觀臨海人二首

趙推官 師回一首

陳古鄧 墳一首

李朝散 宗勉一首

馬都官 仲甫一首

趙大梁 汝回二首

赤城集 總目

謝永嘉 雋一首

黃縣尉 闕一首

彭縣令 仲剛一首

方進士 沂一首

京御史 鎧一首

林長溪 仙一首

蔡永嘉 範一首

謝上蔡 直一首

韓穎川 元吉一首

許錫山 景隆一首

三臨海宋氏 重梓

趙縣丞 善宿一首

樓承奉 府二首

劉括蒼 倚友一首

錢主簿 惟演一首

李都尉 防一首

季教授 翔一首

范知州 說一首

謝朝請 升俊一首 臨海人

賈教授 南金一首

王教授 謙之二首

赤城集

總目

應教授 椿年一首

孫管勾 實一首

魯教授 嘗一首

李大理 慶孫一首

陳提舉 淳祖一首

周西麓 端朝一首

陳教授 振孫一首

王大理 子興一首

林縣令 師蘇一首

鄭朝奉 公鯉一首

宋進士誠一首

王沂國藝一首

林竹邨師黜東魯人一首
臨海人

董御史亨復一首
臨海人

陳知縣振之一首

王雙溪謙一首

沈東陽振一首

王圭簿澡一首

李縣令知微二首

李司錄昌齡一首

赤城集

葉提舉崇一首

趙古汴師夏二首

陳朝奉貴謙一首

王汝陰經一首

趙東里蕃一首

王汝陰廉清一首

高中奉文虎一首

齊郡守頌一首
臨海人

顏縣令度一首

張縣令端一首

五臨海朱氏
重梓

赤城集會朝散

手一首

張縣令 景修一首

王松臺 綽一首

趙郡守 必愿一首

王縣令 然二首

赤城集

總目

六臨海朱氏
大重梓

赤城集總目終

赤城集

景修一首

王松臺

綽一首

趙郡守

必愿一首

王縣令

然二首

赤城集卷之

台州新城記

蘇夢齡

自昔天下有大畜大患民敝且死而仁人任職能禦捍
之者未嘗不見於文辭也慶歷五年夏六月臨海郡大
水壞郭郭殺人數千官寺民室倉帑財積一朝掃地化
爲塗泥後數日郡吏乃始得其遺趾於山谷間第皆相
嚮號哭而莫知其所措主計田侯瑜聞之震驚亟乘傳
而至籲衆惑而視之問其食則糠覈而臭腐焉問其衣
則藍縷而顛倒焉問其居則草茭而漸洳焉橫屍塞于
衢窮盜充于郊乃喟然曰茲不可以久生矣繇是移文
赤城集

卷之一

一 臨海宋氏
重梓

其鄰貿遷用度以衣食之相莫厥居躬自安輯然後民
始知其可造之漸且先以章言狀朝廷得章而憂蓋以
水不潤下之沴因以必復之責屬於外臺故所請亡不
獲于時司憲王侯茭亦接跡而會焉始相與言曰茲殆
小康矣今可圖其大者於是始議城之俾監軍王世雍
錢塘從事會公望慮其事度高厚攷徒庸籍糗糧訂材
用將以授于有司然思夫臨之以爲成命者非擇賢則
莫可遂請以太常博士監新定郡彭思永權守之秘書
丞定海宰馬元康爲之貳已乃量功命日屬役賦丈分
僚職而帥焉繇西北隅以黃巖令范仲温專掌之從事

趙充參綜之西南隅以臨海令李句專掌之從事蘇夢齡參綜之東南隅以寧海令吳庶幾專掌之從事褚理參綜之東北以臨海尉劉初專掌之決曹魏中參綜之其址凡環數里而四隅三面壤界相屬惟北面以破山而闕焉城制雖存然實巨防也中以仙居令徐超專掌之獄掾宗惟一參綜之又命司邏喬筠邢昭素宋世隆迭番譏呵以警非常會世雍換丹陽而新監軍胡頑代終厥緒彭侯感膺撫綏諸大夫各祇所職役徒忘勞三旬而成羣議又曰城則信美矣然萬分之一復罹水災而激突差久則懼其或有頽者不若周之以陶甃則庶

赤城集

卷之一

二臨海宋氏重梓

幾常無害歟外臺然而行之曰雖重疲吾民其利至博也已惟黃巖令曰陶甃雖固猶未如石之確也乃請兼用石役將興田侯親按勉之士志增倍圭計李侯仲偃司憲李侯雖領部惟新而實協心同功良無間然新將元侯通守黃侯繼以循吏之選懷保捐瘠而慮忠計遠一方究度背春涉冬厥墉甫畢論者咸曰休哉仁人之經營也始終之畫無一不適於宜費費不踰千萬而國之大事立焉使斯民知免於旤而日就蕃育其施何如夢齡不佞雖知此徽烈當書太史而欲有以永台民之傳故妄志其大略云

臨海郡南東西三方岸江湖秋水時至北限大山蹙不得騁怒齧隄足生聚廩廩恃城以爲命距海餘百里逋亡剽俠之所遭惡歲輒睢盱洲溆睥睨郭徼警者不敢弛柝故閉修之政在是郡爲首務蓋所以遠蓄害銷姦萌非徒區畫封表備侯邦之制也慶厯之水幾不爲郡元章簡公絳來守城復立宣和中盜發仙居闖虛采入突薄欲登時則有戶掾滕君膺帥厲吏士圍以方略寇不爲患父老紀焉乾道九年里旅不戒於火延及郡城堵墮甃弛徑踰無禁蓄氣未格民譌不寧間一歲太赤城集

卷之一

三臨海宋氏重梓

史趙侯汝愚自信徙鎮暇日循行墻落屬丞掾而告之曰置守所以衛民顧屏蔽廢撤若是其何以待不虞土功於古雖有常律傳春秋者復出啓塞從時之例豈非城圍之啓閉實有邦之大紀隨時築治有不得而已者邪况壯城之卒月粟歲帛凡以爲此益其廩而寬其程宜無不可於是軍事判官蘇延壽受役要司輦輦金穀之稽兵馬都監胡勝督栽巡功察其勉與不勉者命羣有司各保其所奠地守傳衆力埤增卑薄塗塞空卻環城諸門作新者四曰鎮寧曰興善曰豐泰曰括蒼修舊者五曰崇和曰靖越曰朝天曰順正曰延慶起淳熙二

季六月癸酉詔閏九月戊辰蔡日積工凡一萬五千三百七十有六抵取具於壯城之籍閒民願卽工者厚贖之不欲勿疆會其數畧役兵財十之二鍛斲鏝鑿聖之工俾儻直如其數醪醴之饋勞來之問相及於道其材瓦石甃之用積二十一萬七千九百錢以貫計米以石計者合四千六百有奇維侯憂民急病之意旣達於下而精知周慮又足以綜理之故公無羨費民無留力工無餘技役事首尾歷再時版甬竝作觀堞堀興而近郊之畔初未嘗釋隴畝也始侯之至詔奉計最朝十月報政之期甫半歲而贏或謂是邦特侯假道休沐之

赤城集

卷之一

四臨海宋氏
重梓

地繕營之鉅者必姑存以須後乃獨於入國阡陌未習之時驟舉力政百年之蹟成于指顧邦人德其賜而樂其成請書勞於石抑不知因事而功見已事而迹泯一培壘之緒業於侯何有哉至於不以久暫易意眇然長慮於耳目之外以無負於寄委識此者蓋亦鮮矣遂書以諭台之君子

重修子城記

其地即前文所記之王象祖

子城東自鼓樓踰州學過東山閣包職官聽歷玉霄亭

入於州之後山西自鼓樓介於內外班之間

內外班錢氏有園時

子弟爲守親兵所居也

而長於內外班曲而爲洞門又曲而依於

大城今越帥徽猷郎中葉公之再造台邦日以修城之
餘功修之也初子城堙於闐闐蝕於民居寢侵寢削而
又乘以巨浸剝落無幾乃出遺址展間巷定丈數立表
識器利用備築之登登甃之稜稜或帶之抱或翼之展
或繩之直物采炳耀威儀章嚴侯度改觀矣旣成將筆
之於石或謂物大者體必重力微者事亦輕舉其重則
輕可略環台城而新之旣鏡諸珉矣因大城而及其微
不書未缺典也故大城東西南三面爲丈二千四百有
奇州後北山城爲丈九百有奇而子城之丈不過三百
有六十積長較短曾不能十之一也大城增高加厚挺

赤城集

卷之一

五臨海宋氏
重梓

高斲深邊江蹙水包山越谷其用物也洪矣其取功也
多矣子城量材數力曾不能五十之一也大城水潦每
降江潮互凝舂撞無時傾圯有自不遠其防曷善其後
於是爲長堤一千四百丈以捍城足涉江之西有盤石
潮汐上下翻濤攻擣長堤復慮其難恃乃撒椿於江深
踰二丈累石於椿結成三壘復以捍隄以牛練士以水
試滲萬杵同力百材共良門關如鐵雉堞可礪發掘所
至監絕定之水力功物可施增至和之人謀精神心思
盡於此城而子城因平地施版築費公之規畫曾不能
百之一也若何而筆嗟夫談曷其易郡國之立城郭准

重重則俱重孰爲彼此魯城中城春秋屢書鄭郭之入
說者謂郭者郭也內必有城矣然則城有分於內外無
分於輕重明也且作者必紀以有俟也紀而獲傳以有
考也有千年之州治必有千年之保障並存並久一成
不隳豈非厚幸而城復於隍泰必有否山附於地剝乃
先復變與時會不能無也然否終歸於泰剝必繼以復
者以前作後述有傳有考書契所以有功於天下也自
慶厯至紹定浩浩蕩蕩幾二百年而載見豈數乎事之
方殷千里一壑懵不可究有一儒生茫搜遺迹得蘇君
茂齡修城記於倅聽面壁之列碑模以片紙如獲千金

赤城集

卷之一

六臨海宋氏
重梓

數而不足證則子城與郡咸休存片石於樓側之隙地
公之功固多矣數而或有證則隙地所存片石可考功
不又多乎故子城之記書之詳辭之復於公之功巨細
不遺以俟後人雖獲罪於或者之論不辭也公名棠字
次魏乾道丞相之孫詳見於生祠記

築城議

陳觀

自古城邑或圯於水但聞遷居以避患不聞補築以俟
患契湯仲盤展轉於商辜耿相之間一時大家世臣盡
舉以遷不憚夫勞苦者誠不欲盡劉其民聚無辜於受
死之地也赤城置城市山之麓背負大固山天台仙居

五水併流直衝城下每遇秋雨時至海潮怒漲官吏閉
城捍水如禦巨寇慶厓間嘗一大圯殺人萬餘不仁哉
此城再築也舉萬民葬之魚腹未斲又聚魚腹之遺子
以傳孫坐待今日之禍嗟夫慶厓以前事遠不能詳也
今去慶厓耳聞目見猶可接也况南渡以後生齒日繁
奈何又欲今日遣子若孫俾後之視今亦猶今之視昔
爲人臣者以天災爲不常至不爲國家遠謀忠不可謂
之忠臣爲長吏者徇目前之苟安不爲聞之朝廷施實
德於民恐不可謂之良吏爲父祖者以慶厓距今百八
十餘季爲已遠不遺子孫以生生自庸者恐不可謂之
赤城集

卷之一

七
臨海宋氏
重梓

慈祖父觀三年竊祿其地歸卧衡茅猶未浹歲遽聞此
變實爲痛心未免犯衆忌拂衆情言城不可補築招禍
惟有位及闔城之父老實圖利之不貪圖公而致禍
人上丞相論台州城築事不貪圖家陳者卿
某等生長台城切見去秋水溢之變亙古未有其間安
折當已備徹鈞聽大造矜憐推視溺由己之念蠲租弛
禁稜粟散財務使厚德深仁浹于存沒誠不幸中之大
幸矣然自遭巨變以來死于溺者旣不可生而生者復
憂死勢甚岌岌臺郡愛民體國必有以其實上聞者今
不敢贅惟是城築一事係闔城生靈之命利害最重敢

不避煩瀆言之某證得本州雖居萬山之間而實瀕大海之角每遇海潮大汛與山水迎合則城外之水已常及街或值淫霖山水暴漲則城中鬪鬪之水便溢半壁蓋不獨去秋極潦可畏而常年固患苦之也所以蔽其南北者幸有兩山而所以捍其東西者幸有城爾往歲慶厓之水死者良衆然視今日纔十之一朝廷極力拯卹尤以城爲重事至命憲漕倉三使者同司督察而一郡之寮屬與五邑之令佐分隅受任者凡十有七人計度經營井井有緒蘇夢齡之記可覆也次年秋水之至太守元章簡公又增之至至和之元年守孫礪又增築之嘉祐之六年守徐億又增築之淳熙之五年守趙忠定公又增築之夫前數公之城皆得所聞忠定公之城或得之所見皆言補築也包砌甚厚且堅邦民不勝按堵至張奔所爲至和城記亦有驅人趨作如赴敵陣之語可見其程工之嚴而慮患之密矣夫自慶厓至淳熙百三十年其間非無水災特以城不徒修修必可久故水不爲病民亦無自而告病也自淳熙以後又幾年矣求如前政數君子畢智盡力固已寥寥莫見然猶每歲檢舉修補或遇雨水則料撥兵卒儲積土木巡守諸門以爲不虞之備故其間小水可以無患大水縱八屋不

赤城集

卷之一

八臨海宋氏
重梓

至沒屋或能遷徙人而不至殺人也獨自近歲漫不加
意甚至常用之閘板預備之泥土亦皆缺焉蓋非惟不
能如淳熙以前之宏規而淳熙以後之故事亦不復舉
矣以故去年之水自西門奔迸而入其勢如河崩川決
而其聲甚於浙江之潮澎湃滔天粹然而至人未及轉
盼搖足而身與數口爲魚矣當要衝者盡室墊溺餘亦
罕有生全者至若室廬之飄蕩筐篋之漂流又皆不暇
計也今士大夫之家稍富厚之家徙寓墳庵庄舍者所
在相望次而捨已地段寄人籬落或僦或假畧不敢以
爲安而雖稍自愛之細民亦栖托城外以希旦暮之活

赤城集

卷之一

九臨海宋氏
重梓

全望有司監近禍之慘亟修城壁或可般挈來歸而自
冬及春雨雪連綿度皆難於興役人心惶惑未知所依
然以某等觀之固亦有要領矣蓋此周迴不十里而北
南踞山自朝天門直北轉東至錢府皆因山爲城自錢
府直巾子山之東北角雖合修築而東面乃下流極易
爲力又自巾子山之東北角迴環接興善門亦因山爲
城非所當慮獨自興善門越南門至朝天門乃當天台
仙居兩邑山水瀾漫而下徑擣城足之衝水勢激湍最
爲可畏去秋之患蓋正坐此若欲杜絕後患須合就此
一面極力重築所築基址其高厚當加於舊城而築之

之力當如海塘之狀所用石板必須厚一尺長六尺潤三四尺先於其下直排平鋪一二層用山土杵築又側砌一層又土杵築務在以石壓石愈久愈固中間則用搏子木杵築取令十分堅實而後以大磚包砌之如此則水勢縱高可以障塞而無摧圯墊沒之慮此所謂要領處也今聞郡中築塞兩門已爲見修之處止用徑尺小石甃砌反不若三四固又所修者只去秋已潰之城而未潰之城焉夫以百

八十年之間歷幾淫潦更幾巨浸簸撼衝突之後不惟敝者不支而堅者亦敝矣是故近年以來每遇汎濫外

赤城集

卷之一

十臨海朱氏
重梓

本皆由城罅以入東西南北所在有之今但見西城之當修而不知餘城之不可恃萬一水漲切恐塞於此而復決於彼新城縱固猶不足以支而況未必固乎是以邦人雖甚幸城之修而復預疑城之壞以爲前痛未定後憂轉深皆不能安定厥居而惟轉徙以逃朝夕也某投身化治竊班著之粟雖幸親脫厄會而室廬生生之計至有蕩析絲粟不存者今族如故舊類多流亡來者誦言其狀且謂某等以鄉人而玷朝士不能一言實重有媿焉用敢述所見聞冒昧陳控蓋如某等鄙見城之依於南北兩山者已不啻三之一居下流當修而可也

者又居三之一惟西門一面正當水衝合用石板平側
壓砌者亦僅三之一耳倘區處有方則成就亦易如蒙
鈞慈終始矜念特劄下本州照所陳如海岸例築壘併
將未潰城壁檢計鼎新用工或恐所費增多更乞優降
錢粟以爲之助則是大丞相再造此邦邦人永無昏墊
之苦陰功盛德與日月相爲光明倘謂不然則新城旣
未必堅而舊城復不可久後患忽集前功盡廢闔城生
靈之命豈不甚可哀哉某等怵於一邦利害之深犯分
塵瀆惟與千萬戶稚耄屏息以俟仰祈鈞鑒

天
台州雜記

元 絳

赤城集

卷之一

士臨海宋氏
重梓

州治據大固山介天台括蒼之間北直大海海潮洑湖
江薄城而羣山阨束水不得肆慶厯五年夏山泐海溢
踰城殺人萬餘漂室廬幾半州旣殘毀明年予來守茲
土拊視凋瘵感然出涕迺循周官聚養萬民之法恤孤
終收介特招徠安輯之問軍政昔之關戍過更疲佚不
一迺取尺籍伍符而均齊之問吏蠹昔之彊宗囊橐爲
姦積歲勞豪忽厭飮豢腴貧者擠轉溝瀆沒齒不享斗
升之澤迺爲定規釐一隱括料姦拋譎牢不容罅參是
數物信以諭之法以束之故民罷者興兵勤者休吏窮
者給繕戎械治園鹿完官廬秩祠宇表屢開齊簿領乎

獄竄一二悉力問水害之繇昔之緣城之民剝去客土
日以薄圯是有水敗迺因新城出帑金以購材募工巖
石累甃環周表裏外內九門飾之樓觀絕木於門牝牡
和函外水方悍以禦其怒作十竇窗裁以密石內水方
淹以疏其惡又鑿渠貫城廝爲三支達壅滄清餘波距
則斷十二石杠蜿蜒跨渠舟車竭來行者不病旬歲而
工旣於是秋水復攻城不沒者三板乃循閘闌垂木闔
宮或持編管或捧簣土輔堅窒隙扞有餘壯已而水亡
以縱遂復故道昔之刺史廨舍在山谷間滔襄之餘雖
不甚壞而湖波洞汨鞠爲淖沔大凡署所以朝夕處君
事城集

卷之一

三臨海宋氏
重梓

命之地不可以不葺乃培偃瀦支敞阨卽舊而新之廨
之四隅有樓及亭列峙而五至是摧圯悉欲完之則重
頰里旅然士大夫必有退公息偃之地乃取城闡賸材
於三山之交作雙巖堂廡緣山椒作參雲亭天空地迥
高象在下射有長圃飲有曲水賓友衍衍哨壺雅詠日
爲文酒之樂粵今年春州人縱游鼓舞於庭除之下有
賓擊節而歌曰昔民墊昏今民庶蕃昔民齋谷今民熙
熙惟君憂樂兮與民共之天惠其寧兮無以君歸予聞
而甚愧因酬之曰予斷斷然一介臣素性狷直重以蹇
連之分孤鳴自哀而朝廷不加誅斥名爲二千石幸爲

僚諸君皆文學政事之選交修補察以埤不逮繇是不
爲司敗之責者爾大抵刺史能休戚千里若政之徽惡
則有輿誦蓋春秋之法興作始事必書予是以雜爲之
記以俟後之知者

臨海風俗記

陳公輔

臨海魚稻之鄉在東南一隅昔最號無事余少時見米
斛百金魚肉每斤不過三十金薪柴雜物極易得無寄
居過往郡官公事之餘日日把盞百姓富樂不聞窮愁
歎恨之聲比年以來國家多事官吏冗雜軍兵經由州
縣需索供應不暇寄居官至有宰相者餘不可以數計

赤城集

卷之一

三臨海宋氏
重梓

過往日日有之故城中百物騰踊價皆十倍於前余雖
有敝廬度不可居於是遁跡村落然鄉下寂寞百物無
有不免布衣蔬飯杜門待盡而已雖然嘗以西北觀之
所在賊火焚蕩千里無居民吾鄉僥倖未至殘滅而更
富盛如往時庸有是理邪嗚呼天下之生一治一亂祖
宗之盛承平幾二百年一旦衰微若此然今日之亂亦
豈終於盡變哉古詩云得見升平有幾人吾老矣恐一
旦先朝露不能復存子姪諸孫苟內無飢寒之患外無
劫奪之憂他日猶幸及見之故書以記

又一本作風俗序云夫輕死易發尚鬼好祀漢志以

赤叙吳越之俗急於進取善於圖利本朝諸志以叙兩浙之俗然吳越之地邊控江淮閩浙六十餘郡兩浙之地近亦十五郡彼川谷異制民生異俗固有封壤密接而習俗迥異者得謂吳越兩浙同是俗乎蓋彼狃合四方而論其槩耳余采之記述訪之耆老以爲天台介於東南之陬方承平時最號無事斗米不百金魚肉斤不過三十金薪炭蔬茹之類絕易得里無貫游郡官公事暇日日把盞百姓富樂但食魚稻習樵獵而不識官府之嚴渡江以來國家多故官吏冗百軍旅往還取需郡縣供億不給寓士有官至宰輔

赤城集

卷之一

西臨海宋氏

重梓

言而城市百物貴騰視前時十倍民始逐末忘本機變巧出被甲荷戈出沒於醴茗之地吏胥持文書索逋負日叫號於細民之門自是訟牘繁多而民俗浸異矣雖衣冠輩出風雅日盛未之有改也然是豈徒天台一郡爲然他郡往往或然則率薄歸厚以庶幾曩時之舊是則爲政者之任而是邦賢士大夫之責也姑卽舊聞以攷見是邦民俗本末如此

赤城集卷之五
台州興修記
至長
張自奕

天台郡在越絕東南隅叢山沓嶂中瀕海百里而近海
水爲害歲常有之尚書庫部員外郎孫公治郡之明年
卽至和元年也夏秋之交大雨壑壑而川洩洶涌湍悍
爭赴于海迅風乘潮壅閼不得下溢岸凌城不及踰者
數尺公遣僚屬夜守闔閭士諸門以備非常翌日水遵
故道墻壘圯剝滂邊江民廬官宇十二三城中生聚僅
免墊溺者繫公力焉居一日公與侔語曰台雖小郡去
朝廷僻而且遠然所修者天子職業所治者天子人民
赤城集

卷之二

一臨海宋氏
重梓

爲其守臣不能固護安養之而坐視其弊是誠何心哉
遂按閱官府之沮漏庠毀者用羨貨市材新廩屋二區
凡三十楹以儲軍食又易甲仗庫重聽事之西廡爲樓
五楹以藏兵械然後調五縣土中之產得丁夫二萬六
千五百九十一王採近山之石雜以甌甃完州城六百
七十八丈以禦災患旣訖王城中之民皆鼓舞曰治我
服器葺我室廬而今而後知生生之業可久其居也先
是公下車之初馱郡舍卑偪議營爽塏爲便署之所因
循久之重於改作至是數役皆勇於從事親自臨督驅
人趨作如赴陣敵之嚴日力省而功倍君子曰廉哉乎

不私於己雖一工一木重勞於人公於人雖勞其誰憚
耶嗚呼公知保民之方矣後公之治繼以教之之術台
不止富且庶將禮義由之出焉命識歲月因警來者云

台州重修社稷壇記

樓 鑰

台州之北大山綿亙其一支自東而西蜿蜒逶迤至江
而止勢若回顧是爲龍顧之山子城據其下官宇在焉
城西南隅去儀門百許步爲社稷之壇厥位面陽爽壇
平曠昔人相攸而爲此必不苟也有司不戒日就荒圯
頽垣成蹊蕘牧無禁居民或侵漁其中淳熙己亥正月
宗正丞沈侯被選來牧仲春行事愀然顧其僚曰是可

赤城集

卷之二

二 臨海宋氏
重梓

以奉吾神乎乃命撤而新之臨海令彭仲剛建縣治於
煨燼之餘侯知其才舉以任焉首案圖籍斥地之舊繚
以周廡數十百丈始治地得什碑土中洗而讀之蓋政
和中所頒社稷壇式也制度明甚橫列三壝門各四出
中立社稷二壇風師居東雷師雨師居西亦各爲壇壇
之高二尺有半又爲燎壇於風師之東南壝外稍高於
諸壇於是悉倣名數因其舊而增築之故有屋四楹爲
視饌待事之所旣葺新之又增其一爲齊潔之地其涂
北出表以二柱中建臺門嚴關鍵以守之作於六月朔
旦六旬有七日告成糜金錢五十萬有奇民不知役工

不告勤過者肅然始知有地主之敬侯命鑰書之聞古
先成民而後致力於神侯之下車訪民隱飭吏事廩廩
乎循良之風而思不倦以終之以是邦破山帶江水旱
勿歲又間鬱攸之灾謂職諸幽者非人力所及故於神
無所不致其敬社稷之重其可後乎秋社展禮氣象一
新環珮琮琤豆籩靜嘉神貺昭格如在左右繼自今氣
淑民和雨暘時若其必有相之者然則侯之政真卿所
先後而致力於神者乃所以成民也侯名揆字虞卿秀
之嘉興人也

台州郡治聽壁記

卷之二

赤城集

卷之二

三臨海朱氏
重梓

台州者實取天台山以立名卽甌閩之舊壤而勾踐之
遺風原夫秦併天下廢其君長乃置郡縣隋開皇九年
平陳廢郡則諸縣併歸臨海鎮於大固山配一千守護
其城臨海縣移於鎮前隸於括州江南元帥沈法興將
兵保鎮城立爲海州唐武德二年東南面行臺僕射杜
伏威改海州爲台州隸於括州改總管府爲都督府太
宗皇帝貞觀六年改台溫三州並轉隸於括州都督府
故台州置在大固山聖人痛光公住宅以其地勝故立
黃氏次子惠坦爲太守改家爲州及今皇宋混一區宇
太平興國三載凡一百二十六政總三百六十二年麻

記存焉今自武德後至於混一區宇之始凡刺史名姓
謹列於後越明年吳越王朝京師納土田夏六月凡露
署官司咸一變易毀城守示無所備灾器甲示不復用
削繁苛省徭役自是中朝風教被於遐邇焉炎漢季世
三國鼎分臨海郡爲吳羈縻之地憑山負海民情多變
勞於兵防難以德化六朝以來率以獲罪者投於荒裔
故逃刑者亦相率偷安焉唐室平一區宇遂逼正朔良
二千石稍申吏理暨梁朝革命有武肅王奮身草莽專
制江東分符懋官旣失其道頭會箕歛不聊有生數世
百年制度去矣我太宗皇帝□□嗣明文德柔遠東南
赤城集

卷之二

四臨海宋氏
重梓

海隅率族肆覲納符請吏貢地籍於大司徒於是申命
文臣下治郡國尺刃不舉而萬里安定島夷編戶雍容
揄揚以樂大化垂今二十餘年豈非王者久於其道然
後寢在民心歟今以皇朝歷任氏族繼於舊記之末俾
嗣治者書以廣之

上宰執論台州財賦

趙汝愚

某疎賤之蹤已試無効誤蒙陶鑄俾承乏於天台勢不
獲辭扶老攜幼已於此月二十日交割郡事郡中府藏
殫竭逋負上供及諸司錢物與夫官吏俸給之屬幾二
十萬緡凡利源所入不過三事酒稅與折苗耳去冬所

豐稔朝廷寬大之澤不許州縣折納苗米海舶自閩
運來者皆爲浙提舉以私鹽捕送括蒼禁勘其情猶未
竟也餘者悉鑿舟溺貨而去望風不入天台之境者凡
數月矣然則財賦所賴惟有榷酤耳今環城內外私造
酒麴者二千餘家三務監官六員終日所收本息纔數
十千不充官吏之費習俗澆競綱紀蕩然不存稍更張
之則怨謗交興姑息不問則曠敗難免日凜凜然若履
薄冰之上而進退惟谷也某蒙國厚恩不敢自愛亦欲
竭其夙夜之力以圖報稱然念非朝廷力賜主張有如
么微祇自速咎耳或不得已如有奏請之類敢望鈞慈
赤城集

卷之二

五臨海宋氏
重梓

更施行其一二庶幾千里風動數月之間猶能稍自植
立仰副君相寄委之意其間更有心切利害如本州係
瀕海去處自海中乘潮一夕可至城下城有北門大火
之後五門猶未建立四壁圯壞私貨出入者與履平地
無異北軍數十人無屋廬可居但月給房緡百餘千俾
其百姓雜處今春大閱凡軍需所用色色無所凋弊之
原觸目皆然官吏不暇遠圖朝夕汲汲惟貢賦之不入
益亦未嘗爲國家深思也伏乞鈞慈特賜寬假俾漸收
舊力稍復葺治幸甚幸甚

台州重建便聽記不啻臨瀛港餘苗姜新容自闕

台州便聽淳熙十五年守章侯沖重建未四十年蠹朽已岌岌矣寶慶改元守王侯挺歎曰聽非遊觀地也所以出政聽訟而親吏民也郡雖例有設聽非大聘賀大燕饗不處而便聽常處焉蠹朽不治毋乃非便乎幸歲運稔勤收儉藏撥公帑錢授支鹽徐昉規畫取材計烹召夫厚庸革去蠹朽鼎成暈飛廣崇之度比舊加倍既而敵賓次整吏直及門廡旁創小聽內因瑞蓮立堂又廣凝思之室爲屋總餘四十楹糜錢總五百萬米百餘斛始五月丙寅迄六月己未役甚鉅而農不知工不困也容聞治郡者體不貴苟卑心不貴苟約事不貴苟安

赤城集

卷之二

六臨海宋氏
重梓

猥下當穹崇狹隘當恢廣摧墮當植立非材識獨到不能也侯爲此州浚河渠民不病濡滯闕貢院剏三門士不病蹙踴四瞻郊垣有廢輒舉今又一新州治千里聳觀蓋穹崇其猥下者恢廣其狹隘者植立其摧墮者侯之材識獨到如此雖然棟楹巍峩飛鳥睇眙棘衛森列鬼神却走况田野之困窮未嘗一識官府設或赴愬於我而目眩堂皇心怖吏卒股栗階砌其能吐肝肺輸疾苦哉故體雖穹崇侯俯以謙損心雖恢廣侯斂以誠篤事雖植立侯蓄以寬和則於此出政而政平於此聽訟而訟理於此親吏民而吏民安侯常處何愧焉然侯旦

久去而羽儀天朝矣念必葺之義以遺後之人而豈爲
身計哉若乃聽事退休堂宇幽曠神慮旣沖寂臨莅愈
精明侯故併新之容故併書之

台州通判聽題名記

黃正遠

臨海之爲郡去朝廷雖遠而江山瀟灑訟獄簡希來莅
官者往往號爲樂園昔之守倅於此去而升陟侍從致
位公相爲時名卿者間有人焉而獨倅郡者族姓宦稱
無所刻載因循迄今百有餘歲矣承議郎吳深倅郡之
明年乃歎其遺闕而言之曰古人雖一日游居尚有叙
述况膺天子之命三年從政其可以無紀乎將尋諸舊

赤城集

卷之二

七臨海宋氏
重梓

贖稽諸宿吏庶幾得之者可過半也而會慶歷乙酉歲
秋雨暴集江流汎濫衝城堞漂棟宇時官藏文書皆糜
爛流散無有存者故不可悉知惟夏鄭公在大中祥符
間以著作佐郎來倅是郡今郡人猶能道之而又有光
祿丞朱君正辭爲鄭公之代有贊善大夫劉君有方與
郡守章郇公同時所可知者茲數人耳惜夫姑自慶歷
而後悉得其名氏與夫在官之歲月而刻於石豈特俾
人者續書之而已哉前日之人或以德望稱或以政事
顯或晦而不彰或泯而無傳皆可指而見也

重修台州通判聽記

李宗勉

公寓必稱其官非惟所居官設行君之政令盡民之觀
瞻蓋於此繫焉天台東澗各郡州治雖未爲宏麗規模
亦峻整獨別駕聽事庫且隘曾他官不如堂奧傾欹
業欲壓考諸圖牒莫知建立之始祇云淳熙二年通判
管君銳重建倒指歲籥未周一甲子豈當時因陋就簡
易至弛墜重以紹定己丑蕩析之變然耶以是處邊守
端謂非稱雖然廢興沿革各有其時時至則易若良掌
孰制其時在所居官爾鄭公襟度高亮議論灑落吾人
所謂胸中自有一邱一壑者余知其決不苟安於此居
無何果欲撤而新之余聞之亦喜旣則恢衍規制增築

赤城集

卷之二

八臨海宋氏
重梓

基礎取材於市鳩工於庸給用於旋官不知役人不告
勞經始壬辰暮春斷手中夏聽事穹隆堂寓顯敞廊廡
纏屬戶牖燼閭總爲楹三十有回舊有芝秀承其左登
瀛景沂歲寒處其右堂後山巒鬱律林木清蔥自蓮風
閣登萬壑風烟最爲奇勝旁列雲水梅榭雲海嵐關無
非嘯咏游息之所公或重創或增修丹雘交輝前後掩
映迎風納月恍若蓬壺觀者愕眙屹爲千里壯觀是役
也費務叢廣郡雖相之眇若毫末非公善計節用疇克
辦此落成之日屬子爲記辭以蕪陋弗獲余嘗謂知者
利物巧者述之是興事締功始足以言知矣而孟子論

上則曰行其所無事或者疑焉抑不思孟子謂無事豈
因循好苟且云哉數者新之摧者植之損者益之循
天理之自然不容一毫人偽若禹之治水是也士大夫
服谷寓如傳舍昧一日必葺之義榱棟撓折墻壁毀壞
甍弗問是固失之乃若自恃過高喜新厭舊役志於物
以樂靡常土木並興耀奇違巧作無益害有益則亦未
嘗得也今公因其既圯去故取新弗亟弗徐咸當其可
舉行其所無事歟斯可謂知矣翹之者勞享之者逸後
人蒙其利未必知其顛末是則當書公名審字謙仲姑
蘇人以朝散郎通判軍州事郡政有關賴其裨助居多

赤城集

卷之二

九臨海朱氏
重梓

紹定五年壬辰八月既望記

大梁台州添差通判聽壁記

洪适

台州之爲郡環山枕海壤僻民愿牒訴簡少輪調有常
平時從容見謂無事故分曹授政絕贅冗者中興以來
影纓之士日進一官相承率三四輩員外署者無郡邑
不有紹興二年是邦始增治中凡五易而迺至被命遲
期者後復三人則茲員之設將踐武不廢迺哀稗名氏
官秩去來龕石壁間而係之曰昔昌黎韓公嘗謂邑丞
令位偪而嫌文書視成一不敢省有公負復歸尤焉
主簿尉之不若丞於郡者亦然厥有不蹈其中萎賤

不事事玩民城休貪殘放手漫不執何曰此太守職也
落劍干夫是之謂負官否則錚錚表襮名權市威上下
相高矛盾崖異吏不確其承民情不得直夫是之謂越
位負其官不可越其位又不可然則奈何能使官不負
位不越清其心以求其平視者令雖謹外是而議夫何
知惡有本故辨與齋交濤齋賦瀉委融融其開金
神齋台州推官重建聽事述
嘉定二年夏四月予來爲推官明年秋八月重建聽事
齋閣思昔達尊嘗入此幕如正獻何公天性超融不汲
汲於富貴利達其登中山詩有所謂高共自雲閣志尚
赤城集

卷之二

十臨海宋氏
重梓宋氏

可想乃扁閣曰高閒舍人孔公危言正論勁氣凜凜在
官之日庭植雙檜後八年餘年太師曾文清公宴客於
下命其堂曰遺直賦詩十二章有百年依正直之句仍
榜齋曰依正齋之西闢小軒手種梧竹名以持節於是
公退休沐浴始得與僚友燕譚觴詠委蛇頰仰其間企慕
二公之風操足有餘樂又明撤門廡而新之弗陋弗靡
足蔽風雨匠石之貳從官給者不什一諸邑大夫與賢
士友相與致助猶懼不支適際修水黃公以戎監丞出
是邦知教化之先務下車之初首責學宮凡闕文墜
舉而秩之一日顧謂予曰知子有興作此事至難今

百者視公宇如傳舍獸能留意於斯耶崇獎周給迄
落成舛叙大略以紀歲月若夫時而葺之則在後之

台州新造刻漏記

此碑今
在縣

其碑一不
成馬仲甫

道之大其啟閉代謝之運藏功於神用者不可見聖

設法以求其端於是載諸歷象而有按據之制則漏

之興於其初矣若夫分至相承寒暑相推歲昏明

晚節晝夜以動息時有緩疾景有短長乘氣之差

以增損故數不能逃晷不能逾風雨雖晦抑無失其

準的非漏刻以視其應孰從而審哉且百刻十二辰之

城集

卷之二

土臨海宋氏
鍾梓

百代不易之用也第數之盈縮繫於二十四氣以鈎

之晝夜之多少固可見矣周官挈壺氏以水火寺之

可也夜蓋其職焉禮天子寤禁暨官時皆建漏刻有

與則隨次舍設之示不可聞事也雖測籌之數與所

之儀度今古迭變形範各別然測景揆辰大槩皆也

部漏刻自置守以來有之矣歷年既久積習差錯

亦無實法流無定準規模疎簡一不如制叫時發鼓

役之吏詳天色以驗旦暮耳此其誤尤甚又况陰

陽復辨其失不亦遠乎故晷候之違日制度之紊節

也然也又命浮圖可傑改作之傑心智機巧頗能施

其術揆測增減之法參之於歷皆有次序若用器瓶壺之屬惟事事率以新意創始咸適其宜既訖工依其術試之果得晝夜之正遲速來往指刻可驗觀者得以知之輿邇日之漏甚殊庶幾乎不繆故識其歲月以垂諸後云皇祐壬辰三月朔日記

後漢推官聽題各記而曰其人

郡有推官官若非尊者而佐賓幕助郡政其爲人之賢否與其行事之是非則一郡之理亂千里之休戚繫焉任亦重矣台之爲郡東臨大海下莅五縣境土廣袤戶口衆多詞訟紛雜而職繁劇要不易爲所賴以佐助者

赤城集

卷之二

主臨海 示氏 重柱

惟在幕府有人耳然前乎此謂推官者知幾世幾人矣而求其孰賢孰否孰善孰惡有繫於官民之理亂休戚者曾無可考見非闕典乎後世旣無古者侯國之史則先儒論今有題前政之名氏以爲記者尚爲近古也非徒可以苟知其名氏而已其人之賢而事之善歟書之可以爲法也其人之否而事之惡歟書之可以爲戒也二者之間有庸庸碌碌土無補於郡下無益於民而混滅於無聞者觀其名氏亦可以內自省也豈曰虛文云乎哉今滕鈔不忍其前之名氏旣沒而不彰後之名復廢而不傳乃考之赤城前後志僅得自唐張條而下至

於今趙君汝漕凡三十八人而止乃爲之第其歲月之
先後而記之而後之繼爲是官者可以續書之數百年
之闕典至是而始備其意美矣然其賢否善惡所以爲
之理亂休戚而可爲法戒者已多不可得而知獨其間
有自是而名試論新法後至中書舍人者有自是而爲
國子監教授後至太宰少傅者其人其事可以觀矣自
有能辨之者然則畧於前而詳於後自今而往求盡其
所可法而不犯其所可戒又當自滕君始君之先世父
叔皆從朱文公學君姿器質實且習聞二父師友淵源
則必優於吏事而見於幕府之所贊畫者其爲人既賢

赤城集

卷之二

三臨海宋氏
重梓

而其行事必善也知所以題其名宜知所以究其實其
於在己之賢行當加修及人之善事當加進使表表焉
在人耳目悠悠然入人心思而後之觀者必曰滕君惟
見其可師而不聞其有可戒斯不負題名之意矣是所
以表率乎後來者實在滕君而後之繼滕君者又能相
與緝熙而不替使人人皆賢人事事皆善事皆可師而
爲可戒是又有望於將來台城之所賴者顧不深且遠

赤城集

卷之二

赤城集卷之二終三十八人而止臨海宋經翁校

赤城集卷之三

重建錄事聽石記序

趙汝回

寶慶二年春余來爲錄事聽屋老敝不蔽風雨獄亦棟
撓趾腐椽斷壁闕矣亟請於州得錢十萬日整月葺旣
就完好於是卽青青堂植竹數十以觀衛武公進德之
序採崔文公詩更挹翠軒曰與清以想崔君之遺風古
梅出荆榛西山立几案遙睇飛雲靜聽啼鳥俯仰之間
物我俱適當是時有空囹圄釋桎梏之意焉廳左右三
井前豈無名賢嘗至閱視題名已石剥字漫不可讀因
思唐張旭以草聖名家獨於尚書郎壁記用楷法峻嶮
赤城集

卷之三

一臨海宋氏
重梓

直截妙入神品年歲愈遠人愈貴惜而尚書郎姓氏無
傳可嘆也夫記紀德紀事廢德虧雖以張旭書之人
弗觀之矣况石剥字漫乎可傳矣不得其傳後人之責
也乃重刻之而叙以完葺之由庶幾將來式敬爾獄

台州司理參軍題名記

吳子良

獄生地刑仁術也冤枉干陰陽者雪而和鬪狠戕氣血
者弭而平生詐欺悖正性者抑而順穢汚玷元身者懲
而自是謂生地是謂仁術生地而淪於死仁術而爲不
仁何以故坐六失故六失貪也刻也忿也闇也懦也僨
也貪則不公刻則不矜忿則不平懦則不決僨則不周

六居一焉本心且死矣地何由生本心寢不仁矣術何
由仁栝蒼何君處東爲台理掾始至余一挹之語首敬
之甫踰月與守趙侯爭獄事卽棄去趙侯退聽挽畱亦
敬之未踰年今守包侯資政殿學士杜公下至士民吏
交敬之何以故監六失故完本心故余諗理吏前乎君
有如君否臧噤無以荅考郡志畧弗書問聽壁題名則
以己丑水不存也君蹙然曰我何能惟前名氏不可沒
繙續志得國初三人訪老吏得自嘉定間吳焯而下十
一人書之石君而後將續書焉請余記余惟本心人人
有也六失非人人有也鏡其說以勸後乎君必有如君
赤城集

卷之三

二臨海宋氏
重梓

者矣
台州司戶聽壁記辭善翁請余記余謝云

台州司戶參軍唐至德間著作郎鄭虔嘗以謫官居之
台州城東徧猶以戶曹名巷杜工部詩所謂老蒙台州
掾是也國朝宣和初滕君膺自睢陽來時睦寇起幫源
羣盜響應仙居昌師囊遂據羣羌率衆攻城滕君倡義
守禦卒擒酋領一城全活父老紀焉今廨舍爲屋三十
楹而扁榜者曰戶曹聽皆滕君遺跡也聽故無題名宣
和以前莫可尋繹零將去官次其可考者自滕君以下
得十有九人陷石識壁間而闕其所不知畧其所未詳

以俟來云云而皆矧其實衷忠於公深木不取諸民

一台州重建衙樓記

宋臨海宋氏
張其布

州有樓一州之觀聽在焉所以嚴等威也有門闕然後壯朝廷有兩觀然後重侯國故古者亦以興作課吏績橋梁郵亭之不修則不爲能城郭街道之治使端正則以爲賢是皆可以觀政之廢興吏治之能不况觀聽所繫之大者乎於其大者不立則政可知已台爲州之衙有樓久矣國之朝有朝夕故州縣之衙有早晚初不鼓角去郡治爲遠故建樓設鼓以報衙是則觀聽所繫之大者歲久朽蠹亟危將傾今郡侯監丞黃公治台之明赤城集

卷之三

三臨海宋氏
重梓

年政成民餘年穀用登始以其餘力革而新之先是州之圖經未修三台并掩匿其一逮公之至始命郡士纂輯其事以成圖經發掩匿之并作亭其上以應台星庠序之門隘陋則崇廣之坊街之名不立則表揭之戟門旁雜爲賈區譙樓率多曠敞則開拓而修復之頌春有亭以厚農政講武有堂以治軍旅養老慈幼有院以惠困窮逮茲樓之作則棟宇壯堅丹雘輝煥朝晡有時吏奔走不失其度耳目所矚爲一邦之巨麗然後台之文物一新而江山始改觀矣初議鳩工人多以其役大費而難就已而官覈其實吏忠於公死木不取諸民和

價倍給其直工徒疇以市價出入有稽用度有節無浮
費而收實效事簡而工倍役廣而費省人始服公之規
模先定其功不愆於素公名營字子畊蓋江西山谷之
派晦菴朱子之門人朱子之學以濂溪二程子爲宗公
修學校則爲祠堂繪四先生之像行釋菜禮以奉安之
命博士鄉先進與其門弟次第講貫經理又刊朱子中
庸大學之說以開後學其淵源有自來故其爲政尊主
庇民廣教化厚風俗建置規恢知所先後是役也軍事
推官趙君師回實董之趙君有材旣自新其治所竭力
以佐公家且以邦人之意請紀其實布辭不獲於是乎

赤城集

卷之三

四臨海宋氏
四重梓宋氏

書

臨海縣聽記

官府之聽蓋宣王命而蒞政事之所也皇祐二年正月
臨海縣新作正聽何新乎逾舊也向之時庫甚矣歲久
朽且不支今宰崔仲牧迺革之仲牧惠和而敏故其舉
事也中而遺於人也遠不亦嘉哉

臨海縣聽壁記

縣故有聽壁記自太平興國錢氏歸土以來縣令名氏
悉載遭乾道癸巳災與縣廨俱蕩不存余旣建廨舍念
前人名氏不可以無見博求前所摹本絕無得者遂歷

訪故老遠稽案籍旁考紀牒自宣和而後得三十人錢石以記虛其後以俟方來宣和之前僅得十餘人年次來往不接姑列其前而闕其間之不接與凡日月官稱之不詳者以俟後之君子他日有得以續之所聞多闕宜未足誌然失之於今則後益不可知是猶賢乎已爾

太平臨海縣重建縣治記

黃巖游於善業吳子良

百年來臨海數賢令曰顏公度彭公仲剛顏嘗乾道初元公私優裕之時而彭承乾道末年郭郭焚燬之後彭能摩挲赤子樹縣治百楹於榛莽中役鉅事煩而仁不傷故彭公爲尤難嗟乎孰知又有難於彭公者蓋紹定

赤城集

卷之三

五臨海宋氏
重梓

二年九月丙辰之水陷城吞原隰官民廬居殺禾稼環百餘里漫爲濤州而縣治西直梧蒼門最先被水崩奔漂悍特甚凡彭公所樹尺柱寸椽不留官吏簿書無所於棲獄訟無所於決民方死徙交道繼之殍疫連年天子爲捐帑振廩復租已責遣部使者葉公棠議荒政議城築縣計雖束手然役之百須則以比郭先諸邑奔命歲再更縣猶絲紛而舊觀莫克復於是葉公奏辟前尉溫陵吳君楷令臨海君旣爲尉諳其人情土俗不逞智立威一切治以簡靜擾不及民民之居奠矣君曰民之居奠然後令之居可奠乎而以累民吾不忍也民亦

奮曰令常憂民之居矣不憂令之居乎而以累令吾尤不忍也令搏他費以創之民伺其闕而助之公聽中時挹之高門吏直旁環引以修廡聽之後虛敞爲琴堂廡之東閤爽爲狂狴藏勅有庫遲賓有位燕休有閒軒寢處有密室完備至於庖湑整潔及於階除繚重垣以護其藩培秀巒以鎮其陰自五年冬至今不弛不迫雖創之者民本無預而助之者令則難遏也由是以觀紹定二年九月之水殆十倍於乾道末年九月之火火旣五年而彭始至城內之民痛定矣水纔二年而君已至闔城邑之民痛未瘳也非又難於彭公平而樹立乃爾雖

赤城集

卷之三

六臨海宋氏
重梓

以君繼彭公可也古之爲令者能以道教民其次能以政養民又其次能無以政擾民耳近世教與養不十一擾之者總總也夫毋望於教與養姑望其毋擾之耳是民之賴於令者止此耳止此而又不能則是令之居豺虎之窟也誰肯愛豺虎而樹之窟哉能毋以政擾民民得婆娑怡愉自足於長郊廣谷之間幾於去豺虎而傍父母於古爲次於今爲上矣使父母卧風雨入子其安哉則民之助之亦奚怪哉夫毋以政擾民民猶父母之猶助之而况於以道教民且以政養民者哉此可見臨海俗之愿而無調譁許猶閒有存者豈其咎專在民哉

豈其不可轉移也哉嗟夫能無以政擾民雖繼彭公可
也能復以道教民且以政養民雖繼古之爲令者可也

臨海縣重建宣詔亭記

方沂

皇帝遽居閭闔而率宇內若耄倪若飛植盎然春意夫
固詔令爲風雷也今詔令猶古誓諾按書邦家暨尹御
欽揚懼後自井田廢於時置守若令令雖小甚佐風雷
以陶萬彙等也以故窮崖下邑環治無百戶亦必有宣
詔之地矧隸甸服戶且繁何敢弗虔臨海縣南百步故
有亭詔中下令合父老稽首無異稊觚稜而瞻飛鳳也
庚子火民廬蔓延亭遂毀四明劉君棟縮縣事惕然念
赤城集

卷之三

七臨海宋氏
重梓

非承流所宜鳩工遴材一新故趾始癸卯正月越三月
告成費以節用之貲役以受傭之夫宅事以邑之幹勤
之士穹梁搏礎丹堊彪炳於其旁復翼以布象舍數楹
夫乾以震巽鼓萬物皇以詔令鼓萬民詔令肆頒自朝
廷歷監司監司歷州州歷縣朝廷去民最遠監司次之
州縣則近民之官也而縣最近故民有休戚利病縣知
之最悉而縣長吏或廉或貪或寬或猛鬪民之命脈又
最切宣詔有亭豈直具文而已固在奉而行之也傳曰
君制命爲義臣承命爲信孔子於震取不喪匕鬯於巽
取志行順剛皆臣承命之機楛今詔令無歲不下曰宥

罪曰減租曰賑困乏民延頸以俟如蟄而雷如熱而風
且暮不可緩臣奉而行之可緩乎而况於民最近者乎
劉君之令臨海也廉於己而寬於民又悉知其休戚利
病鄉無邏卒圍無錮囚翹學趨子弟受業蓋字而教之
道備盡民之責可無愧斯亭之建具文乎哉

臨海縣重建縣治記

文林郎 沈 尤 表

乾道癸巳秋九月臨海居民不戒於火燼爛扇延以及
縣治燔蕪俱盡當官者因陋就簡僅能建三椽於煨燼
之中以聽獄訟吏民亡所托足案牘亡所棲列一運風
雨則沾漬暴露叫呼謹吹訟牒計簿散匿吏胥之家最
赤城集

卷之三

八 臨海 宋氏
重梓

易甲乙莫可質考縣日以不理後三年予來爲州有意
興之而無與任其責者淳熙丁酉秋永嘉彭君仲剛來
主縣事予聞彭名舊矣心固望其有爲彭乃言曰夫環
百里之地而爲之長聚萬室之衆而聽其令民社所寄
視古子男治必有所一邑之條教於是乎出而司存弗
備亡以施政廢之當舉舍此孰先然役大用黷非受命
於郡則令不得擅敢以爲請予乃異錢三十萬使營度
之是冬予罷官歸踰年則彭以書來告成矣外爲重門
以嚴啓閉上建層樓以斂勅書治事有所燕居有室翼
以修廊挾以外廡吏直賓次環列有序輿者爲藏爽者

爲獄爲亭於大門之外以班詔令爲閣於東廡之上以藏案牘爲堂爲齋爲軒以備宴休游息之地下至於庖湑之所微至於什器之末雜至於丹雘斃之事纖悉畢具規樞堅壯工用精密總爲屋八十有一楹中鑿五池潄水爲備復以其餘力建丞簿之舍而新社稷之壇鄉之荆榛瓦礫之場今乃爲高明宏麗之觀民始識有官府之嚴而稱其所以爲邑大夫之居者問其經費之所出則曰未嘗巧取而苛斂也凡材之隱於吏而亡籍木之訟於官而願獻者悉取而拘之鈎校畸贏積案銖寸故費廣而不闕問其工役之次第則曰未嘗厲民而強使

赤城集

卷之三

九臨海宋氏

重梓

也籍竟內之爲工者若干官出儆庸率如其私之直居處飲食先爲規畫使極安便率旬有五日而迭休之其用夫止及於附邑之三鄉家止一人人役三日番無過十夫而亦與之庸省督工程無苟簡怠惰之患謹視給散無稽畱賸削之弊民之與官爲市爲役者若私家然故役大而不懈蓋經始於丁酉之冬而落成於己亥之秋間其所以久則曰不敢倉卒而趣辦也作於農隙而弗奪其時休其力而弗盡其用慰諭其勤而策其不勉民咸勸趨故工成而不勞夫聚財有方用民有節舉事有漸顧何往而不濟哉予嘗謂今之仕莫難於爲邑弱

者不足以有爲而健者或以病民幸而得強弱之中則積負困之姦民撓之欲興事造業有其志而不克成者多矣又幸而不爲積負之所困姦民之所撓而在上者或不察不得自展其才者亦多矣當君之始至賦亂政扈隱戶移脫弗可究詰乃定質劑乃正疆理逋租匿役披露首服吏姦民瘼檢柅濟理田野歡呼訟日以簡故能不困於積負不撓於姦民不抑於當路而興舊起廢不擾而集非庶幾於古之所謂循吏者乎夫哀聚羸羨於單乏之餘可以觀儉謹用民力於偏仄之中可以觀仁積累工役於遲久之後可以觀智是皆足以爲吏法

赤城集

卷之三

十臨海宋氏
重梓

而不可使之無傳予旣嘉彭君之有成而因其請故遂著其實使後之人得以考而法之非以譽彭君也

不覺臨海縣尉聽壁記

徵事錄卷之六
京尉鐘

縣正之職其任業輕漢有四部隋之分判重之也臨海附城民事浩繁鸞胥姦媮爲尉者業其人則政乖在管紆黃綬皆宗工鉅儒各稱其職自此或爲監司郡守侍從輔臣不可槩數得人爲盛矣今縉雲葉君嵩以名家之秀學業之贍旣修飭政事鼎新廨寓且念前人名氏不可以亡傳博考圖籍歷訪父老僅得三十人彙之於石其間年次之不接日月之不詳始闕之庶他日可續

焉後之君子好古博雅必不隱也

尉思隱軒記

林仰

金華王季海作臨海尉葺舊屋闢一楹地為燕息所用
梅子真故事名隱軒屬予為記予告之曰君遭時清明
少年取科第初官即事賢主人有設榻之重駸駸乎得
行其道蓋與子真居然不同然則胡為乎隱哉試妄評
之君子之出處而已隱之為言去也仕而有隱志則去
就輕去就輕則不為世間勢利之所移是以道可行事
可立澤可以及斯民古之人太山覆於前而色不變用
此道耳不然則接輿荷蕢之流潔身亂倫之行儒者不

赤城集

卷之三

臨海宋氏
重梓

取也仲尼轍環天取孟軻歷聘齊梁一不合視萬鍾祿
若將免焉去而不顧故為百世師仕而志乎隱舍是宜
無所取法焉季海讀書明理道耿耿不可犯于而恂恂
似不能言其鄉里之賢有以氣節聞者季海慕其為人
宜其不凡如此是軒之作小拙芒角固已超絕况仕益
久閱世益深其又可量也哉予於季海同年生也草木
味同且有聯事之好其知季海他人不及也故樂為記
而不辭

黃巖縣聽壁記

方行可

宣和癸卯歲之十月黃巖縣新作聽事告成大夫王公

顧諭其客方行可曰管之爲政於此者其賢有聞去而顯於朝者有人焉其流風善政在民至今者有人焉是不可以無紀也縣聽故有壁記辛丑之盜漫爲烟埃吾將因斯宇之載新復求國朝以來作邑者名氏次以歲月鏡石而竄諸壁使後世有攷且可繼焉予其爲我叙之行可不敢辭謹叙之曰縣令長皆古官漢制萬戶爲令減萬戶爲長今之知縣事古所謂令也黃巖古東甌蓋爲邑者尚矣宋有天下承平日久生齒滋殖著版之民僅十許萬故出宰者率繇尚書左銓熙寧元豐而來以其兼督鹽筦間自有司辟置或出於朝廷一時之選

赤城集

卷之三

三
臨海宋氏
重梓

以故得循良爲多前記無復遺跡今大夫訪之故家得於邑士陳褒別記者由宣和而上訖於天禧之元凡四十有一政攝事者九有其姓而亡其名者三其不可攷見者闕之且夫其石以竢於後夫近民之官莫重於縣而聽事政之所自成也一號令之出少有不謹輒病百里或遺患於數世之後爲政者不可不知也今大夫之賦政可謂知此矣而又將推以謹來者故人列其在事之歲月俾其政可攷而存後之人坐於是以令斯民苟闕而思之必將曰某善足慕某不善足戒後之視今亦猶今之視昔吾敢不謹乎是則壁記之作豈特著舊而

已實百里之賜數世之澤也嗣大夫者其念此哉

黃巖縣重建聽事記

此碑
磨滅

王居安

會稽胡君衍道令黃巖纔數月政平訟理吏畏之民安之士大夫信之下至海隅山顛黃童白叟莫不知有知縣之賢也邑故有聽事建於宣和之五年令王君然百年矣後雖有修建堂宇者由堂而外尚仍其舊凜焉有棟折榱傾之虞前令太末陳君汝改建門廡而聽亦未皇暇君至以嘉定七年六月經始於明年之正月越二月已未乃立木剏大聽五間合從屋凡百二十楹糜緡錢三千米斛三百悉辦之官絲粟不擾於民役替有時赤城集

卷之三

臨海宋氏
重梓

廩給不闕凡度工授材董以邑士周之純阮時中所以杜吏姦也五月將成君以旬祠得請慮以一簣之虧復累後人於是別儲所須若塗墻甃甃之屬俾主簿陳君武子訖其役且屬居安以紀顛末夫環一邑之境令南向而聽焉有民人社稷之寄固不可以百里儉其居也然今郡縣之官莫難於令泉穀所入有經平居常患日不暇給土木之興良不易矧吾邑爲台壯縣訟繁賦重曩者連數令無善去則眎他令尤難也間有所爲則未免科斂百出下不勝擾而上不加恤耳今君至之日未久爲之特易而民不知何也始余聞君之官於泉之浦

可也未嘗市香於泉今聞其宰吾邑也雖杯茗油燭之需必計直入金於官蓋其律已嚴故官事易集其奉已約故公用易儉茲其所以雖難而易也歟余懼夫來者徒樂其成而不究其所以成故據其實而告之繼自今聽訟弊獄於斯出政斂財於斯者宜有攷焉君名衍衍道其字也

赤城集

卷之三

尚臨海宋氏
古種梓

赤城集卷之三終泉今聞其宰
臨海宋興洲校書郎

赤城集卷之四

黃巖知縣續題名記

時時蔡國範

設官分職凡以爲民陳力就列凡以行志然而去民最近與民最親知民之休戚最詳繫民之利害最切則莫重於縣之有令仕而欲行其志蓋必由是官始况黃巖之壤襟山帶海膏腴百萬畝其地日益墾闢甍宇十萬家其民日益蕃庶故凡賦輸之富倍蕞旁邑詵牒之夥覓絕浙地於是爲令不亦尤重已乎範有生最晚冒焉試邑更嘗未多觸事墻面顧累月以來食息無輟區區此心未嘗忘民訪利害察休戚因其可近易親之勢思赤城集

卷之四

一臨海宋氏重梓

爲之計然誠雖存而力弗逮念雖專而事易移爰因朱墨而志有難行者矣悚然以思寧不自媿聽事舊有石記前令名氏厥後弗繼近事無紀乃咨問父老言正歲月次其後先用續前石暇日摩挲尋閱緬懷景慕因人考政擇善而從苟克利民循守惟謹期以充範之志焉

黃巖縣尉題名記

其志蓋必由是孫應時

凡官之府舍宜有壁記記在官者名氏歲月示民不忘其故且繼者有考也黃巖置縣蓋五百年昔之尉於斯者宜多名人顧未嘗有所謂記者何哉豈其因陋就簡否則卑之以爲官不足記甚亡謂也余之來詢諸邑士

夫士與鄉長老而所稱道省錄率不過數十年之近又採之所在屋壁碑識之間蓋可知者僅如此嗚呼其可感矣其愈久而愈不可知矣屬將去官迺書而次之石以俟後之人有所聞者附益焉若尚書右丞忠簡許公之事則其遺文可見臆州縣之官莫如尉最卑然而亦最近民有志之士如欲深知民生之艱與爲吏之不易以推及乎世之遷變觀古今風俗政事本末求切於實用而精思其所不及則雖奔走勞悴於塵埃筮楚之地疑非所當厭也聞古之士不卑小官而必行其義觀斯記也其先乎余者有可慕其後於余者不敢不敬告也

赤城集

卷之四

三臨海朱氏重梓

重建黃巖縣尉聽記

此碑磨滅

謝直

四明楊璘子美作尉黃巖撤舊治而更創之凡門廡聽事堂寢房舍庖湑其楹六十以爲官者之宅居宅之西有地夷曠累臺以望曰見山之臺翼亭以憩曰傳香之亭卽臺間中疏池沼四隅雜藝花竹古梅怪松特爲奇觀力更結草扁以歲寒以爲燕適之所梁河重栢前直縣南所謂委羽洞天之山繚牆夾道卒廬射圃以爲閱習之場鉦鐔鼓鐸弓旌鉤格斧鋸搭筩杓具庫筦鑰以爲警邏之備凡糜錢五百萬餼廩二百經始於辛未之孟秋落成於壬申之仲夏旣乃因其長太末陳公

魯寔請記直按開寶之元營繕大內告畢遂詔天下郡
邑修立衙宇其制之大畧節察知巡罷者著隳修之籍
迭相付授幕職州縣受代則對書考課之歷致損者殿
一選增葺而不煩民者加如之厥後有司改廢而他官
不顯書吏績考功止批七事此制因爲弗聞宦游者視
所居曾不若叔孫昭子之於傳舍一榻之寄凝塵滿席
甚或撤瓦破柱苟給竈養迨其有所興作胥動繹騷斂
怨一方無簡書之畏矣余承令君之命問子美以資費
所出而曰縣家所助益五十斛它吾自輸之擇材賦工
必堅必良塗墍丹雘必緻必精吾計其久不計吾其費
赤城集

卷之四

三臨海朱氏
重梓

念其費不念吾其勞君其問諸野吾惟子美之輕財舉
事誠非人人力之所及而子美之成功遺後者將非人
人來則居之哉於之移氣體於之莅官事於之事父母
於之樂妻孥於之燕僚友爾休爾游爾宵爾晝無所不
可詩云予堂翹翹風雨所漂搖保固修飭使更闓終古
而輪奐常新豈子美是爲抑開寶之所以推躬逮下者
幸萬世臣子尚有詔池記之謂何外序固也
天台縣題名記
寓天下之治曰郡與縣其簿書期會獄訟米鹽之職縣
實百於郡蓋郡則有掾有曹各司其局而守特視其成

韓元吉

焉縣之官丞主簿尉與令爲四號爲通其事然令無按察丞主簿尉掌治各有它例不能分總縣務其極悉萃於令且起鬪訟者立庭下枚數其牒牝焉已不勝其煩獄之辭畢聽而後蔽暇則督民賦課出納謹帳籍官廩士學戍兵役隸月會而須給縣或當孔道執券而候驛者日羅絡廡序持文檄相恐動楮阜之衣滿前間有卒辦必取具於常賦之外上官便文自安不問所從來民或誚語則以咎令又爲令者秩不過七八品勢力卑甚里居之豪寓公之老相與狙詿誤騰謗讟脅令以營其私不則搖撼詭謀必使之去而後已令之缺榜於銓曹

赤城集

卷之四

四臨海宋氏
重梓

者率數十閱歲踰時皆憚不敢睨然國家之制由選調而更京朝必歷令而正其資號曰親民比歲益嚴其格往往不得命爲他官由是士亦勉強自勵其才以試於縣紹興二十五年吾兄子雲始爲令於天台以爲天台極兩浙之東南其地富山水玉京金庭俱天下勝觀可以乘吏役之休逃禪訪道從隱君子游資祿以養親且應夫令之名而已則倥傯亦不暇給旣而歎曰縣固有劇易事無不可爲者因爲之竭日夜之力疏剔刮磨不事表暴一意而持之未幾吏民亦坦坦向化始得從事於文墨之間而縣之前令名氏漫不可攷乃訪諸塔廟

之題識推以案牘之歲月得其可見者自鄭至道而下
纔二十二人將礮石刻於聽事之左元吉方學邑於
喪從吾兄以問政因書其事以爲題名之始云

仙居縣令聽壁記

方行可

台州之屬縣五仙居尤爲古邑秦漢之交地空於荆吳
闕越之間西晉置郡稱臨海而縣名始豐後析其南
別爲縣曰樂安實東晉之永和二年也仙居卽樂安
其宋齊因之隋旣吞陳乃併爲臨海唐一天下武德
已改郡爲台州縣仍隸焉至上元乙亥凡五十五年
再廢再置且易曰永安而遷治孟溪卽今縣舍也五

赤城集

卷之四

五臨海宋氏
重梓

不軌吳越僭擅專二浙之地縣與州俱溺焉皇朝削平
海宇蘇救疲瘵州治屬浙東觀察縣仍治孟溪者尚名
永安逮景德丁未四月詔改曰仙居以其洞天名山屏
蔽周衛而多神仙之宅因以名焉民旣康復日以繁
今則鄉六而戶逾萬歲之常役與夫苗役之息貫石
兩無慮七萬其催呼期會輸入賦與先後不齊繼之
平央枉直應奉符檄矧復宣上之澤達下之情一縣乎
縣之令令之職重於古今也蓋以此夫邑之治否繫
之休戚在乎令之才不才然其所以爲治一於奉朝廷
法而所施之術則不同大槩通才明識持以至公則

行令孚政成之速不然則嗷嗷之日豈易防遏耶新昌石君來令於此未幾而頗多豫暇於是稽版籍之簽書推而正之至於端拱令凡二十有九員端拱而上無從而考景德四年以來爲仙居者又得其始至與夫代去之歲月各從而書之刊於壁石嗚呼諸公之名久塞而遽通昔晦而今顯由吾石君以發揚之也

仙居縣題名記許景龍

令壁有記所以紀遠近別同異而治政之能否遺愛之淺深可不須而自見也仙居舊有題名繇端拱以來凡九十五人中更兵盜自何真中以下不得其到罷歲月者

赤城集

卷之四

六臨海宋氏
重梓

十有三猶闕疑以待知者遺墨所存將浸就漫泐大懼不足永其傳余將代去迺亟伐石更刻使行列相從粲然可觀嗚呼三百年間善政有足稱紀殆不一二而邑人相與祠祝之者密學陳公而已然則令茲邑者陳公其愛澤歟余故表而出之且以自警

仙居縣重修丞聽記趙善宿

安洲長貳之居古傳伉壯遭煨燼餘惟長所創幾古貳以世官略於籌遠僦工輸材取具一時規模湫隘纒半故基耳中更繕工役固非爲政者宜先然蒞官之所視嗟夫事土木殫工役固非爲政者宜先然蒞官之所視

請弗填視傾弗持斯豈人情也耶政三歲一更僕去一歲官微事簡思無以遺後龜日鳩工制不踰度役不濫時合內外而一新之茲非爲身計姑以貽將來云

仙居縣重修尉聽記

丹邱列邑凡五仙居雅號簡靖然句稽巡徼共三

邑獨旁午居官者認認犇命疇暇過土木而問錢立縣璧水擢太常第英粹恢裕不卑其官敏以濟恪以修事舉庀職之又明年顧聽事撓敝欲壓創始宣和今垂百禩紹興丙子小嘗繕葺寢復四紀繼者憚費忽頤謾弗訾省子立從容諭邑大夫林君岳曰竭來充位再赤城集

卷之四

七臨海宋兵重梓

稔閱朞月卽踐更宦遊素謹營創矧氣力差卑敢犯不韙徒念錄錄塵埃蔑圭黍裨縣官此屋不修且壞誠不忍棄後人寸鏹粒粟縱乏敢或一毫蠹民寧輟已不勒易腐苴罽儻支永久吾心涼幾焉邑大夫嘉其言而縱與之謂嗚呼浮食逆施戶厥官舉世總總子立問津青真慨然自詭爲來者地端未多見迺率先捐錢五萬佐費子立復捐俸繼焉木取之官山他費率視市直隨給工徒就募計日疇予棟幹之蠹敗瓦石之闕裂悉易利之東有老屋三楹墮仄架甚併復增葺闕壯如昔合其費實半鼎創輪奐飛峙丹堊照映經始於中夏之旬

七日不匝月斧斤卽工役成而民不知過者交口歎美
寧知子立又有餘地茲特經畫之瑣瑣者歟夫擾不及
民仁勞已佚人義役不淹時智爲人所難勇捐俸充費
廉疊是五者可書不可書子立名撫家橋李余里人也

仙居縣主簿聽記

俞建

簿職句稽上而臺寺監下而縣崇庠雖異責成之意畧
等縣隘或不具官尉共二尉逐逐警邏無寧辱自球弗
贍又分其力於簿簿責未必塞併與尉事漫弗理近制
簿不檄委督覈不同他曹仙居縱號清簡無簿得乎前
郡守李公廉奏置簿於戊辰官具而廨猶闕越四年趙

赤城集

卷之四

八臨海宋氏
重梓

君彥簞來就舍隘陋不堪著足得舊營廢址屋之簿有
屬自君始寸甃弗思徵民葺年班輪傭工暈飛翼翼士
民割見率譽其才余告之曰子居官而不治其舍恥也
治舍而或尸厥官亦恥也子奉職以勤恪聞昕暮坐曹
無曠事是能治其官如法舍矣事固有大於簿者孜孜
以勸而令所立不旣多乎落成請記就以勉之

仙居縣志題名記

樓 府

政和六年余自連山儀曹用還堂闕改差四明儀曹掾
是歲孟秋假道茲邑遇青田劉侯倚友之爲丞也宣和
二年自明州昌國縣令改秋堂除越州餘杭縣東歸待

次是歲季秋假道茲邑遇劔川沈侯賢佐之爲宰也
羨鄉曲親故皆得以賓禮叙舊每遇僧坊一宿而蓮見
其市井蕭條人物稀鮮官舍卑陋山嶺崎嶇無一事之
可人意誓斷不復過此洎兇賊殄滅汎海之官至越而
舊物已爲有力者奪徘徊未知所向朝廷不忍無罪報
罷忽降御筆易地於茲顧雖有平昔誓斷之言而君命
不敢逡巡遂以宣和三年季冬廿六日赴王始卽輿席
竊歎三至皆有爲焉治事旬浹四壁蕭然獨有題名一
記以木爲之龕於聽角余又歎前賢製此將以爲名也
殊不思邑之窮僻旣不足以得名木之易朽又不足以
赤城集

卷之四

九臨海宋氏
重梓

久其名政宜付樵蘇不若已之之爲愈逮攷其姓氏同

桑梓者二人

楊光祖
沈賢佐

有雅故者三人

呂康卿孫大
廉放知言

常半

面者三人

史遷殷
李陳預

或以政事稱或以文章顯其聲稱籍

甚固不俟龜跗玉箸已自流傳於無窮矣然念古人好

名尚有沉碑江水俟千歲之後谷變爲陵庶幾可見余

又安敢以邑之窮僻木之易朽以廢前賢爲名之心哉

於是礮石移刊以成其美

其市寧海縣尹題名記

寧海令題名記不知始何時宣和間樓府爲記稱始於

以木更用石焉然類以井聚僻寂小其縣寶慶二年

會稽王君至僻寂者漸稠密矣君顧謂縣當問民俗不
但誇井聚民俗厚雖僻寂未宜小民俗薄雖稠密未足
誇也寧海之民力耕釣安賦輸見謂勤朴於今尚爾意
其在宜和前未接京邑華靡事其俗之厚無疑矣而可
以僻寂小之哉然今旣漸稠密亦漸熾於爭蓋地迫山
海產慳食嗇有足憫者未可遽咎其俗之薄也且人情
本尚乎縱趨險可復御以險乎人情本尚易縱趨難可
復御以難乎自是潔已究民隱每黎明達分夜甲是乙
否語同家人所與奪一於理義威術弗仗也聽之東有
堂老幾仆葺之如新榜平易以見其志旣又謂題名雖
赤城集

卷之四

十臨海宋氏
重梓

更用石刻亦磨漫不可讀別市石重刻之增本朝而上
三人焉曰劉轂曰陳伸通仕梁唐風蹟不大著曰陳長
言名莫詳矣而知其仕吳越吳越議增賦上書死爭以
免由是觀之果援其民以避險難千載詎終泯耶今石
之上名氏班班苟過其亦一二數孰爲追繼陳者孰爲
遠愧陳者有聳慕而遐思有怒背而切齒蚩氓得以肆
厥否賤隸得以公賞誅可畏而不可誣也式勸式戒具
茲事焉然則以僻寂小其縣民之望於令者安在以平
易乎其俗君之望於後者有竟乎君名準字端己遂刻
先生之次子於是世其家矣

崇寧甲申大觀戊子是邑兩置丞職皆踰年詔罷政和壬辰丞職復置余以初第承乏茲任前此雖越兩政皆以中廢而公廨不克治余至則僦舍編民隘陋苦之既而得地於縣之西隅以歲在癸巳九月經營越明年正月告成址而柱者凡二百二十有二他木稱是又闢縣之垣以跨橋曰通德因聽之餘以構堂曰松吟亦足以資出入燕息之便也一日落成士民縱觀有驚眎夸睨若見賞者有俯眉顰語若見勞者又有欲笑而頤不解欲言而聲不揚若見誚者夫見賞者余知其樂此基構赤城集

卷之四

十一臨海宋氏
重梓

之成也見勞者余知其卹此造爲之勤也求其見誚者不可得竊思之固有在矣得毋謂仕宦所寓比傳舍爲稍久今基構造爲之功非不知其備且至也然斧墨未乾爨突未黔代者告至徒役爲後人資耳况繼而居者未必察察而未必德也雖然被見誚者固有理而所以誚者乃余志也士之有爲於世者期以身任天下之重要皆使人人獲安利而後已况朝夕從事無非盡其所以爲人者於一室勞佚又何較焉若夫察與不察德與不德尤非所問也雖然繼是居苟能壞者思完弊者思新毋頹我窗牖毋毀我器用毋以一時苟簡而忘後

人長久之利使向之見誚者於余心爲無媿亦仁人之賜也因其落成故序此以俟賢者

寧海縣主簿聽壁記

李知微

設官分職各有攸司自一命而上至於天子之大吏繇簿書期會達而至於坐而論道俾各務其官而修其方用志不紛若將終身則事無有不舉而民無有不理雖至於大治可也仲尼覆生之器祭必先於簿正迨俗化陵夷乃有高士不爲主簿之說余嘗疾之寧海亦萬家之邑官簿散脫爲甚盜而去之者家日以益裕而名存實亡者致無以自給今欲一釐正之使黠吏不得竄跡

赤城集

卷之四

三臨海朱氏
重梓

於其間而良民受其賜不在句稽之職乎圭簿括蒼陳公儒家者流沉靜端敏莅事茲久官修道行迺以壁記之闕一朝作新命知微記著歲月故因進其說如此異時必有指是刻而相告曰自某充是官而籍之散亡愈甚也自某善其職而散者因以復合也則斯記之設豈無所取云爾哉矧歷年於茲故多聞人則揭而著之以示不忘茲亦後來者之責也陳公名雅蓋學校舊人今所得而記者僅三十有三人云

寧海縣新建衙樓記

錢惟演

古者郎官出宰雖班有土之權縣令得人自契震雷之

象所謂子男之國實爲父母之邦其政不得不修其門
不得不壯是故義經設位式著乾坤之名老氏垂文亦
陳道義之說蓋以限閭域於內外順闔闢於往來其或
肇創重樓齊列大道斯又爲一時之輪奐使百世之謳
謠者也寧邑漢會稽之回浦鄞二縣地也後漢改回浦
爲章安晉孝武太元二年分鄞章安戶置之唐武德中
改海州爲台州寧海屬焉自開皇迄唐大厯其間興廢
靡定遷改不常圖牒具存斯不復載眷惟靈壤實曰奧
區地接天台路連石姥時生英秀代出神仙一派桃源
阮肇舊游之勝境千尋瀑布與公作賦之鄰邦自武肅
赤城集

卷之四

三臨海宋氏
重梓

有國縣署之前本無崇制門闕之設止乃平居浸歷歲
華率皆頽毀梁柱悉蠹陶甃不完風雨雪霜爨樵莫庇
皇上耕籍之季秋八月我武寧章公來莅是邑性惇寬
裕動合典常專文學之科預英雄之選以詳雅鎮俗以
惠愛字民雖位屈於十銓而利均於千室下車數月布
政多閒睇廣廈以爰周歎開闔而未備有邑人陳繼安
暨鄉邨耆艾等列狀獻誠願謀新作旣輿情之允洽豈
人欲之可違公察以由衷聿從其志故冬十有二月因
農之際庀徒以時大則輪梁棟之材小則致榱桷之用
官無醵斂民皆義從押錄薛宗等夙事公庭恪居吏局

共謀樸斲盡瘁勤勞高卑悅隨上下胥樂一心衆力百
倍厥功景祐改元門與樓成軒檐半空烟霄咫尺欒栱
交結丹漆相鮮晴曦下照於觚稜翠巘四圍於爽塏雙
扉洞啟宜駟馬之並驅層構鼎新若蜃雲之擎出華不
極侈儉皆中規仰之彌高觀者如堵翌日公乃謂鹽樞
侍禁王君贊府評事○君曰我之政必葺幸已成矣豈
非由能幹之宏假通明之奧思以茲公○共成此門不
然則何以致累任之闕一旦而備宜乎張絲竹羅樽俎
會同僚登是樓而凭之遠可以觀耒耜之勤近可以採
風俗之語比夫庾元規之登望王仲宣之銷憂彼皆賞
赤城集

卷之四

西臨海宋氏
重梓

玩物象娛悅情興不足同年而道耳於戲斯邑也叛置
近數百年斯門也朽腐知數十載是邑之民得不思經
度乎所以然者蓋以待明公而作之庶播其芳風者哉
余受代葵邱經游花縣俾茲撰述靡容固讓敢以直書
是歲五月二十有七日記



日



Z.5

4年 30